



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

XXXVIII. Kurfürst Joachim verleiht den Gebrüdern von Jagow zu Aulosen
das von Achim von Königsmarck besessene Dorf Kalberwisch, am 25. Juli
1524.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

hoff vnd hufen einen halben winspel roggen vnd dreyzehn scheffel gersten. Item Im dorffe Grobleue vber drewes vogts hoff vnd huffen ein halben winspel roggen vnd einen halben winspel gersten, Item vber Claws Steins hoff vnd huffen ein halben winspel roggen vnd gersten. Vnd wir leyhen Ir solch vorgeschriebene guter, Jerlich Zins vnd Rentte zu rechtem leipgeding etc. — Geben Ir des zu Einweiser vnfern lieben getrewen Merten Klotzen. Zu urkunt etc. Datum etc. Am freytags nach der Eylftaufent Junckfrawen tag, anno etc. XXIII.

Nach dem Copiaro des Churmärkischen Lehns-Archives No. 34 und 38 fol. 32.

XXXVII. Bischof Buffo von Havelberg vergleicht sich mit dem Münzmeister zu Berlin wegen des diesem vom Bischofe Hieronimus verkauften Hauses, am 14. November 1523.

Sonnabents nach Martini, anno etc. XXIII hat sich der hochwerdiger In got furste vnde here, here Buffo, bestetigter Bischof zw Havelberg, mein gnediger here, mit dem alten Muntzmeister zw Berlin, des hawles halben, so Bischof hieronimus seliger jme verkaufft — Ist gewest das haws, das Bischof Johansen gehort, — vertragen also, das hochgenant mein gnediger here gedachten alten Muntzmeister mit dem reste, so ehr noch von dem hawse schuldig, das dennoch leuft vngeferlich vf hundert vnd sechs stüg fl., wil stunden drey Jar, Johannis kunftig Im XXIII. Jare funffzig gulden, Johannis jm XXV ten funfzig fl. vnd im XXVI ten Jare vf Johannis das letzte gelt zw entrichten vnd zw bezalen, vnd hat gelobt, das er wil Gryben vnd des kurfursten kuchenmeister, beide wonhaftig zw Berlin, zw burgen dauor setzen. Erste kauf des hawses ist gewest II^c fl. Dorauf hatte Bischof Hieronimus etlichen wyn empfangen. Darauf I^c gulden noch quitirt, die der Bischoff von Mynden bekommen, deme mein gnediger herr eyn verforgnus bekommen.

Nach dem Churm. Lehnscopialbuche des R. Geh. Kab.-Archives VIII, f. 10.

XXXVIII. Kurfürst Joachim verleiht den Gebrüdern von Jagow zu Anlosen das von Achim von Königsmark besessene Dorf Kalberwisch, am 5. Juli 1524.

Wir Joachim, von gots gnaden Marggraff zu Brandenburg etc. vnd kurfürst etc., Bekennen, das wir den Gestrengen vnd hochgelarten vnfern refhen vnd lieben getrewen Ern geuer-ten, Rittern, Ern Matthiasen, der rechte doctori, Asmus vnd Lewin von Jagow, gebrudern, Claufen von Jagows seligen Sone, erbessen zu owlesen, vnd Iren menlichen leibes Lehens erben zu rechten Manlehen vnd gesampter handt gnediglich geliehen diese hirnachgeschriebene

gutter, Jerlicher pecht, Zins vnd Rente, Nemlich das dorff Caluerwisch mit hochsten, niddersten vnd straten gerichte vnd aller zugehorung, wo achim von konigsmarck seliger, von sine voreldern das wandiges gehat vnd besessen hebben, nemlichen Caluerwischkes hoff mit vier houen landes, die hasselhoue mitt Ingerechnet vnd mitt alles des hoffs zugehorung, Clemens Infels hoff mitt zwen hufen landes vnd aller zugehorunge, Clawes Garlippen hoff mit dreyen hufen landes bey dem hofe belegen vnd denne noch mit einer hufen landes, die do die quastenberch genommet ist, der do scheidt vnd grentzt bis an der Marcke tho Meseberge vnd mit aller tzugehorung, hans Heinricks hoff mit zwen hufen landes vnd aller tzugehorung, ein wufte Cosseten erue mit seiner tzugehorunge, Item dat wather, dat die vecht hetet, vnd ander water flothe, mit weyden, holzen vnd andern holtzen, die do grentzen vnd schiten bis an die Segge wische vnd wente an die osterborgesche margke mitt frien watermollen vnd wintmollen vnd freye thofor vnd affor. Item einen haluen winspell roggen Jerlicher heuinge Im dorpe tho hesewigk ouer hans mones, Item einen hoff tho wasmerslage, dar pawll fuchs vppe wanet, mit II hufen landes vnd ein vierdellandes mit dem gerichte, bynnen thunes vnd met alle des hoffs tzubehorung, vthgenamen eine hufen tegedes vnd dat Straten gericht, welch die von Jagow dar allewegk von alders her erblich gehabt haben. Welcher gutter wir vns hieuer nach todlichem abgangk Achim von konigsmarcke seligen, als der landesfurst vnd lehenherr manichfeldiger schulde halben, so er darinnen gemacht, selbst vnderstanden vnd die glewbiger bissher auf Ir beweifs vnd fur Ir schulden gebrauchen lassen vnd nun die obgenanten von Jagow mit sampt vnserer lieben getrewen Ermegarten von Aluefleben, obgedachts Clausen von Jagows seligen nachgelassen wittwe Irer mutter solche erblich erkaufft vnd wir Inen dieselben dagegen kawfsweiß fur IIII^M vnd V^c fl., wie das vnser Rethe an vnser Stadt gewirdigt, aufgegeben vnd gentzlich zugestellt haben, vnd wir vorleyhen den Ehegemelten Ern Geuertten, Ritter, Ern Matthiasen, doctorn, Asmusen vnd lewin von Jagow, gebrudern, vnd Iren menlichen leibs lehens erben die obgeschriebene guter, Jerlich Zins, Rente vnd pecht mit aller zugehorungk vnd gerechtigkeit zu einem Rechten Mannlehen vnd gesampter handt, wie obftet, In kraft vnd macht dits briues vnd also, das sie vnd Ir menlich leybs lehens erben solch obbestimpte guter, Jerlich pecht, Zins vnd Rendte mit aller zugehorde nue furder mehr zu Rechtem manlehen vnd gesampter handt haben, besitzen, genieffen vnd gebrauchen, die so oft es not thut von vns, vnsern erben vnd nachkommen der Marggraffschafft zu Brandenburgk zu Manlehen vnd gesampter handt nehmen vnd entpfaen, vns auch dauon halten, thun vnd dienen sollen, als manlehens vnd gesampter handt Recht vnd gewonheit ist. Wir verleyhen Inen hiran alles, was wir Inen von Rechtswegen daran verleyhen sollen vnd mogen, doch vns an vnsern vnd sunst yderman an seinen Rechten vnshedlich. Zu urkunt etc. Datum etc. am dinstagk nach visitationis Marie, Anno etc. XXIII.

Nach dem Copiaro des Churmairischen Lehns-Archives 34 und 38 fol. 8.